

# OMUKWE TU



30c

No. 23

ISBN 0-620-06828-0

## AAGUNDJUKA

## 1985



“Kombinga yomumvo gwaagundjuka ine mona efatululo lya yela ndi tseye elalakano lyoshinima shoka nonando gwa dhanwa tuu shili nomosikola yetu. Ashike mewiliko li li po ngashingeyi unene momikunda omuntu oto dhimbulula mo ngaa iinima yimwe kaayi li mondjila, noitaatu ke yi longitha mewiliko lyokomeho. Tse otwa hala tu kale paveta, hangaashi omuntu gumwe ta dhiladhila.”

*Abisai Namupala (15)  
Eheke*

**Tala meni**

**Aagundjuka otaa opalele ongeleka konima yelongelokalunga mOseko yaNehale.**

**DESEMBA 15, 1985**

## NKENE OMUMVO GWAAGUNDJUKA GWOPAIGWANA GWA TOTWA PO.

Okuza etotopo lyiligwanahangano (VVO) momumvo 1945, omukundu gwaagundjuka muuyuni ogwa li gwa talika ko ongoshinima sha simana, ngoka gwa ningilwa oonkambadhala okuhupitha epipi tali ya konkalo yiita, nokulongitha wo omadhiladhilo guuyuni okuhumitha komeho onkalo yopaliko noyopankalathano yaantu ayehe.

Eyambidhidho lyomadhiladhilotokolo lyomumvo gwaagundjuka olya zi ihe komapangelo ogendji, komahangano nokaantu yi ili noyi ili. Momasiku 17 Desemba 1979, Oshigongi shaayehe sha VVO osha pititha okatokolitho 34/151 nkoka ku utha kutya, omumvo nguka, 1985, ogu na okukala omumvo gwaagundjuka gwopaigwana ngoka gu na iipalanyolo tayi landula: Eitulomo, Eputuko nOmbili.

Pethimbo lyomutumba omuti-35 gwOraata yAayehe yo VVO, Okakomitiye ka thikama miilyo yiilongo 24 mbyoka yi li iilyo ya VVO, oka langekwa po nelalakano lyokulongekidha Omumvo gwAagundjuka gwopai-gwana.

### ELALAKANO LYOMUMVO GWAA-NDJUKA GWOPAIGWANA

Etotopo lyOmumvo gwAagundjuka ngoka tagu tyapulwa nuumvo muuyuni auhe, osho euliko lyomikundu dhiigwana muuyuni ndhoka tadhi londo pombanda kombinga yonkalo yaagundjuka. Okwa dhiladhilwa wo shoka shi na okuningwa po mokoopaleka eshito netungo lyonakuyiwa yomuntu.

### IITSA YA SIMANA YOMUMVO GWAAGUNDJUKA

Mpaka otapu landula ihe iitsa yimwe mbyoka ya simana yi na okukonkwa methimbo lyetyapulwo lyOmumvo gwAagundjuka:

- Okwiindjipaleka ontseyo kombinga yonkalo yaagundjuka, omaudhigu gawo nomategameno gawo kofi yaagandji yooveta yoshigwana;
- Okuhumitha komeho ondjila yomulandu nooprograma ndhoka dhi na sha naagundjuka ongoshitopolwa shimwe ashike sheputuko lyopausosiale nolyomahupilo; ayihe mbika oyi na okulongwa pankalo, pantseyo nopauwanawa woshilongo kehe;
- Okwiindjipaleka eitulomo lyaagundjuka miilonga monkalathano, naunenye tuu mehumokomeho nomokumona eputuko nombili;

- Okuhumitha komeho mokati kaagundjuka ombepo yombili, yesimanekathano noyeuvathano mokati kiigwana;

- Okugandja omukumo kombinga yelangelokumwe poompito adhihe dhokuputudha nokutekula aagundjuka.

Okushilipaleka nokugwanitha po iilakanenwa mbika (ya tumbulwa pombanda). Omumvo nguka gwAagundjuka otagu gandja ompito yomadhiladhilonogelo ga hwepopala kombinga yekwatathano nelongelokumwe lyiigwana muuyuni.

Omumvo nguka, 1985, otagu gandja wo ompito yokunawapaleka iinima mbyoka tayi nwetha mo omidhingoloko dhonkalathano yopausosiale yomugundjuka, iinima mbyoka yi na okunawapalekwa pakwatathano lyopaigwana muuyuni.

Omumvo gwAagundjuka ogu na wo okukala ompito yokukonakona, okugongela iipumbiwa monkalo yaagundjuka nokuvongokonona omaudhigu nomikundu dhaagundjuka, opo aagundjuka ya thike ponkatu yeputuko lyesiloshimpwiyu lyuugundjuka wawo.

Pakwatho ndika aagundjuka otaa mono wo owino wokupaathana nokupingakanitha ashithe shoka tashi tungu uukwatya wuugundjuka methimbo lyawo ndyoka egundjuka natango.

### ONKALO YAAGUNDJUKA MUUYUNI

Maakalimo ayehe muuyuni, konyala omu na oopelesenda 20 dhaagundjuka ndhoka dhi li kofi yomimvo 15-24 notadhi talika ko ko VVO ongaantu mboka ye li mongundu yaagundjuka.

Momumvo 1980 omwaalu gwaagundjuka muuyuni ogwa li tagu tengenekwa gu li oomiliyona 857. Omwaalu ngoka ogwa indjipala noopelesenda 67 methimbo lyuule womimvo 20. Etengeneke lyo VVO otali ulike kutya momumvo 1991, omwaalu gwaagundjuka muuyuni auhe otagu ka vula obiliyona yimwe, ihe kakele owala shila kengambeko lyolualo ndyoka tali ka indjipala momimvothele tadhi landula ko.

Omwaalu ogundji gwaagundjuka (oomiliyona 665) ogu li miitopolwa yuuyuni mbyoka inaayi putuka nawa ngaashi; omiilongo yaAfrika, Asia naLatin Amerika. Miitopolwa mbika yuuyuni omwa tegelelwa mu kale eindjipalo enene lyaagundjuka.

Etengeneke lyomumvo 2000, otali ulike mpoka kutya aagundjuka miitopolwa mbyoka ya tumbulwa otaa ka thika ko ye li oomiliyona 896, oshoka otaa ka indjipala, noopelesenda tadhi tengenekwa dhi li 83,5%.

Ekonakono opo lya ningwa otali ulike ano kutya, oohapu dhiipatululo monkalathano yaagundjuka momumvothele nguka odho ndhika: "Ompumbwe", ompumbwe yiilonga", "okulongithwa inaashi uthwa", "uunkundi wiilonga", "omikalo dhegameno", "eimoneno lyomboloto", oshowo eigandjo lyomuntu mwene.

Unene tuu oongundu dhaagundjuka ngaashi ongundu yaakiintu, ongundu yaagundjuka miilando, ongundu yaagundjuka iilema nongundu yaagundjuka oontauki - odho ihe oongundu ndhoka hadhi adhika unene komikundu dhonkalathano methimbo lyone-na - omukundu ndhoka tadhi nayipalekwa unene komalunduluko gopahumokomeho lyopamahupilo nomaunongononi gopauteknika.

Ihe Omumvo nguka gwAagundjuka, ogwa tegelelwa gu tyapulwe unene momudhingoloko, moshilongo oshowo nopaigwana muuyuni, oshoka iilonga niitopolwa oya yooloka yaagundjuka.

### IILALAKANENWA MBYOKA YI NA OKUNDHINDHILIKWA MOMUMVO NGUKA GWAAGUNDJUKA:

- Etaandelitho lyomakankameno geitulomo lyaagundjuka momudhingoloko nomii-gwana yuuyuni;
- eindjipalo lyokupa aagundjuka iilonga nekondjitho lyokatongotongo;
- okushilipaleka aagundjuka eputudho (elongo), eputudho lyuuteknika nolyeithano;
- okutala nawa esiloshimpwiyu niilonga yaagundjuka aakiintu meputuko;
- okuhumitha komeho nokukwatakanitha iilonga yoshigwana ngaashi eputudho lyuukalinwa, elongo, epulando lyofamili niilonga yilwe yonkalonawa mbyoka tayi kwatha omugundjuka mokutsikila miilonga yokwiikwatha mwene ongomugundjuka.

Melongekidho lyelandulathano (lyoprograma), Oshigongi shAayehe sho VVO osha popi nomuthindo iikando oyindji oshilonga sha simana kombinga yeitulomo lyaagundjuka miilonga; mbyoka tayi tameke pegumbo (momudhingoloko), moshilongo, miitopolwa nopaigwana.

(VVO 6/84)

# ADVENDI = OTE YA

**Kalunga ketu omegulu tuu a kala, ihe oye ote ya kutseni atuheni oku tu ila tu shune kuye oshoka otse aantu ye noonzi dhuusita we.**

Unake twa ningi aantu ye a wape e ye ngeyi kutse? Oye okwe tu pe Omwana Jesus Kristus e tu kulile muupika weso, ndyoka kuku Adam e li konga sho a lya komuti gwokutseya uwanawa nuwinayi.

“Anothe ongoye owa li komuti ngwiya nde gu ku indikile waa lye ko? Opo tuu mpoka eso lya tameke nefaathano naKalunga lya kana. Omuntu a ningi omusi.

Kalunga oye ohole, onke oshinima shika oshe mu ehameke okwe tu pe mo ihe Omwana Epona lye. Joh.3:16. Osho Kalunga a kala e hole (omuntu) uuyuni opo shaa ngoka e mu itaale kaa kane, ihe a mone omwenyo gwaaluhe.

Omolwetumino lya tya ngeyi, Omwana nguka ote ya okupula iikulila yombinzi ye kutseni. Ano shaa ngoka u li kevi huka, kala u shi shi Jesus ote ya. Ngaashi Kalunga He kwa li e ya po mwene moku-gandja Jesus kutse, osho Jesus ote ya lwahugunina okupula kehe ezimo ekulilo lye.

Oomboka taa adhika ye li dhiginina sho ya li ya pewa oonkondo ya kale aana yaKalunga ya dhiginina oohapu dha Jesus, otaa ka kala mpoka Jesus e li osho to le nena ngawo.

**OMUKWETU OKUUME KOYE  
KOPOTHINGO. OTE KU  
TALELE PO SHAAMPOKA U  
LI, MOMBETE, MUUWIKE,  
MUUPONGEKWA, KIILONGO  
NENGE MONGUNDU YAYA-  
LWE MOSHILONGO SHENI.  
INYOLITHA ANO OSHIFO  
SHOYE SHOMUMVO 1986  
MANGA KUYELE. ONDANDO  
ONGAASHI SHITO.**

**Kaleni muJesus noohapu dhaJesus nadhi kale mutseni aamwameme ne. Mboka ye li muJesus oyo oyuvite nawa Jesus sho te ya (Advendi) otaa vulu okwiimba ngeyi:**

**“Yaloo, iyaloo,  
twe ku hambelele---”**

Yakwetu manga mboka twa ekelahi ekulilo ndyoka twa li tu na okukala mulyo, otatu uka peni, otatu holama ngashi kuku Adam, u uvu iikukulilo omuthindo gwaKalunga e ta holama? Jesus ite ya e. na euvaneko, ihe oti ile mboka ya dhiginina oohapu dhe niipango ye. Lesha Joh.14:21-24.

**Dhi lesha nokwiipupapupa meni lyoye.**

**Oku na oyendji yomutse twaa na noshithigilwa shika. Jesus ote ya kutse e ta pula ekulilo lyombinzi ye.**

**Omuwa nge te ya te tu talaleke esiku lyenyanyu ondyoka....  
(Eimbilo 5 mEhangano)**

*T. Nakanyala*

Tu ye pekota lyomushigakano gwaJesus.

1. Tu ninge Jesus omukwaniilwa gwomwenyo dhetu, opo e tu pe mbyoka twa pumbwa pasilohenda lye Rom.8:28 Joh.13:14a
2. Tu igandje kuye naayihe yetu, opo a kale omusilishimpwiyu gwetu Rom.6:13b
3. Tu mu inekele aluhe, noku mu tsika omaudhigu getu agehe Eps.37:5.
4. Tu vulike kuye nokulandula ondjila ye. Joh.14:6.
5. Tu idhidhimikileni omaudhigu agehe ngoka tage tu adha mondjila yetu Rom.5:4a.
6. Tu humbate iipango yaKalunga ayihe omulong moomwenyo dhetu.

**Opo tu pilamene yuuyuni tu yande mbika**

Okupopya ooyakwetu nayi noku ya lundila. Okunongona melongelokalunga nokwaaitula mo mulyo. Epumpagano, uutsa, okwiinoma niineya itaayi tungu. Okwaavulika kaakuluntu. Uugoya nokuteya oondjuvanenathana ndhoka ombwanawa. Iituthi vuusiku niikolitha yamo.

**Luk.4:16-22**



## 10 tava ka yakula omaongalo

**Ovahongwa 10 vomofikola youfita kuPaulinuma kOjtjimbingwe ova tumwa mangha eehani hamano keElelongeleki ve ke lideule momaongalo. Aveshe ova mana omudo wavo waxuuninwa notava teelee ashike okuyapulilwa moshilonga, ngeenge inape uya omaimbo asha.**

Omaongalo a ufwa taa ka yakulwa kovalideuli ava oo Kongo, Ongenga, Omutundungu, Ondobe, Olupandu, Engela, Onyaanya, Onawa, Rundu, Nakayale, Onakaheke, Oshakati, Onayena, Onaanda, Ohalushu, nEkamba.

Ovafita ovawiliki momaongalo oo taa ka yakulwa ngaha, ova fiilwa yo oshinakuwanifwa shokunyola ehokololo kobinga yomulideuli notali tuminwa Elelongeleki.

Omulideuli ota yakula omaongalo avali, eehani nhatu mukeshe eongalo. Eyakulo otali hovele diva muDesemba petameko.

*Sebulon Ekandio*

## Opo tu sinde yuuyuni:

**Opo tu sindane moyuuyuni tu kondjeni ngeyi:**

Natu ninge etokolo lyaangoka tu na okulandula noye a kale omupangeli gwetu. Oomwenyo dhetu metokolo ndino Jesus ote tu pe oonkondo oku shi ninga Joh.1:12.

Tu kambadhaleni atuhe tu holele Jesus oshoka, oye oshiholelwa oshivanawa. Tu igandjeni miikaha yOmbepo Ondjapuki ngono e li po omuhololi gwomaulunde getu. Joh.16:8.

Tu galikaneni twaa na ezimbuko 1Tess 5:17. Mokugongala poohapu dhaKalunga (mboka hatu shi ningi) tu tsikileni nomukumo Heb.10:25a.

Tu lesheni Ombimbeli Ondjapuki mono tamu tu zile oonkondo nomukumo mekondjo lyetu. Joh.5:39.

Tu dhimbweni iimpwiyu yetweni ayihe uuna tu li poohapu dhaKalunga.

Tu galuleni ooyakwetu mbono ya hwateka noondjila dhawo, nonando osho oshidhigu.

*Nangolo A. F. Iyaloo  
Ongandjera Sec School*

# AAGUNDJUKA MOVENDUKA YA KUNDATHANA OMUMVO GWAWO

Amushanga Eva Amunyela

Oshikondo shUuteolohi shOngongahangano yOongeleka muNamibia (CCN) osha longekidha oshigongi opo aagundjuka yomagongalo haga longitha Oshiwambo mOvenduka ya kundathane Omumvo gwaagundjuka. Omagongalo ngaka ogo Angilikana, ELK yomUushimba, ELOC nOkatoolika kaRooma. Oshigongi osha li ko momasiku 25-26 Kotoba 1985 sha ningilwa mOongeleka ya ELK muKatutura.



Oshigongi osha egululwa nefatululo nkene she ende opo ligwanahangano (VVO) yi thaneke omumvo 1985 gu ningwe Omumvo gwaagundjuka muuyuni. Eholololo olya pendutha omadhiladhilo ogendji maagundjuka okudhiladhila onkalo yongashingeyi nosho onakuyiwa yoshilongo noy aantu yetu.

Omanga oshigongi inaashi thika, Aagundjuka 5-7 oya adhika ya tulwa muungundu uheyali woonkundathana. Uungundu owa kundathana iitsa tayi landula, nosho okukonakona iilanduliko yawo ngele itapa ningwa eopaleko.

**OKANGUNDU 1:** Mukehe uunona 1,000 wAaluudhe tau valwa muNamibia, 165 womuwo ohau si omanga inau gwanitha omvula yimwe; uunona wAatiligane mboka hau si wo 21/1,000. Osho wo omwaalu gwopokati komukuluntu Omuluudhe okukala e na omwenyo moNamibia ogwo oomvula 50; Omutiligane oomvula 70.

Okangundu oka konakona oshinima shika noka eta koshipala shoshigongi omatompelo kutya omulandu gwokatongotongo mevi lyetu ogwo tagu etitha omaso ogendji ngaaka guunona Uuluudhe nosho onkalamwenyo ofupi ngaaka yomukuluntu Omuluudhe: oondjambi dhAaluudhe oonshona itadhi vulu okulanda iikulya ya gwana noyi na iitungithi yomalutu; omahala gAaluudhe otsi yowala nomikithi otadhi taandele nuupu; iimaliwa iishona okufala omumvu koshipangelo mbalambala.

Omagumbo gAaluudhe omalukanda uunyongo wowala nomikithi ngaashi oTB otadhi taambekwathana nuupu; esiloshimpwiyu miipangelo yAaluudhe eshona oshoka omwaalu gwaapangi omushona okuyekekanitha nomwaalu gwaavu nolwindji aniwa omiti ohadhi pu po; oomeme ihaya pukululwa nkene ye na okwiihumbata pethimbo lyetegelelo nenge nkene ye na okupalutha uuhanona noku wu gamena komikithi.

Aakuluntu Aaluudhe kaye na iikulya ya gwana Otaya longo omutenya aguhe ihe itaa li iikulya iitungithilutu. Ihe unene pethimbo ndika aakuluntu Aaluudhe kaye na we enyanyu netegameno. Oya hambata iimpwiyu yomalualo gawo ngoka ga halakana noshilongo nonuuyuni. Ihaya kotha noye na oombinzi dha londa omolwoonkundana aluhe dhamaso mooradio.

**OKANGUNDU 2:** Omolwonkalo yiita, okwaa hena iilonga nosho iikolitha, oondjokana dholela otadhi shonopala moshigwana mokati kAaluudhe. Ishewe momagumbo ogendji gAaluudhe kamu na we oohungi dhokupukulula nokuputudha aanona.

Mekonakono lyako, okangundu oka tseyithile oshigongi kutya iita moshilongo shetu oya kutha ngashingeyi oomvula 19 noya ningi aagundjuka oyendji ya kale yaa na we etegameno lyokuninga sha shokomongula. Okwaa na iilonga okwa ningi aagundjuka oyendji aathigona noitaa vulu okudhika omagumbo. Iikolitha oya kutha aakwashigwana oyendji Aaluudhe oondunge nokaye na we omadhiladhilo gokuyoolola uuwanawa nuuwinayi nenge gokudhiladhila onakuyiwa.

Miikolitha oyendji oya kanithile mo wo ohole yolela yoshigwana. Oshigongi sha tamaneke wo noonkondo aanamiti mboka taya taandelitha moshigwana shetu iingambekithi yomalualo. Ngashingeyi aakadhona kaye na we uumbanda wokulalwa nayo oshoka ihaa miti we.

Aamati kaye na we ehalo lyokuhokana oshoka ondjuulukwe yokuyuulukwa omukwathi kaye yi na we. Ano evundakano lyowala moshigwana; aagundjuka kaye na omutumba, nomonkalo ya tya ngaaka itamu vulu okukala oondjokana dholela nenge uuteku nepukululo lya kola lyaanona.

Tala kep. tali landula



Amushanga Eva Amunyela



"Onkalo yokomeho yaagundjuka oshidhigu oku yi hunganeke, ashike otashi vulika oyendji ya kale ya longwa notaa dhiginine oohapu dhaKalunga. Aakuluntu otatu ya indile ya tsikile natango neitulomo, otwa pumbwa natango omapukululo gawo.


Alli Taliishi Ipinge (22)  
Elim

**Omadhiladhilo gamwe gomumvo gwaagundjuka 1985**



“Ohenda onene sho aagundjuka yamwe inaa pita mo gomumvo gwawo nuugundjuka wawo omolwomamakelo. Ashike ondi na etegameno ngele otaa tsikile poohapu dhaKalunga monakuyiwa, omapuko omakulu otaga dhi-mbiwa. Epipi tali zi konima onawa ngele tali gongala shi vule shono sha ningwa numvo.”

Miina Ngula (22)  
Onamukulo



“Omumvo ogwa kambadhala oku tu ninga aagundjuka yolela.”  
Ruusa Kakwambi (18)  
Okaku

**OKANGUNDU 3:** Aathiminiki itaa vulu nande okukwatela komeho aathiminikwa okuhulitha po omathiminiko. Yo aathiminikwa itaya vulu nando okuhulitha po omathiminiko ngele kaye na uukumwe mokati kawo yene. Wo uukumwe wolela itau vulu okukala mo mokati kaathininikwa ngele euveko lyawo efupi. Lyo euveko lyaathininikwa itali vule nande okuya muule ngele ihaya kundathana.

Osha yela kutya ope na eyooloko pokati konkalamwenyo momalalakano gaathiminiki nogaathininikwa. Aathiminiki oye na onkalamwenyo ombwanawa tayi zi miilonga yaaalimikwa. Onkee elalakano noonka-mbadhala dhaathiminiki okutsikilitha omathininiko. Aathininiki otaa longitha oompito adhihe opo ya tsiyaleke omadhiladhilo gaathininikwa moku ya pa elongo lyaa na ongushu yasha, oku ya lombwela omahokololo gaa na oshili mooradio, miifo nomotelevi, nosho wo oku ya tilitha nomadhengo noma-edhililo gomoontholongo.



Ovanyasha vemwe kave na elihumbato liwa, ashike otashi nyenge nge kutya ove shi okuwafwa ngahelipi.

Fransisika Shakungu (19)  
Ohalushu

Aathiminiki otaya kambadhala okukeelela aathininikwa yaa imange kumwe. Otaya tula po ngaashi ooveta dhomavigumbo. Otaya popi nayi nokusheka omahangano gaathininikwa noku ya kelela yaa ninge iigongi yokufatululila aathininikwa kombinga yuupika wawo.

Aathininiki otaa futu oondjambi oonene ku mboka taye ya longele mokufundja mokuuposipaleka nenge mokutidhagana nokutilitha aathininikwa. Ihe ngele aathininikwa oya yeelwa nawa komakoto agehe ngaka gaathininiki, nena ohaya vulu aluhe okulongitha oompito dhawo yene opo ya pukululathane nokutsaathana omukumo nkene ye na okuhulitha po omathiminiko.

**OKANGUNDU 4:** Ngashingeyi oshitopolwa shokuumbangalantu waNamibia ombuga yowala, kaku na we omakuti ngaashi sha li nale.



“Onakuyiwa yovanyasha moshilongo shetu otai tilifa, osheshi vahapu katu li vali peendjovo daKalunga. Kombinga ikwao outeku wovadali nao owa naipala, osheshi ohole yovana nomvamwe oya fa ya ninga inene unene notai imbi okumona omapuko ounona.”

Ndapunikwa T. Shinana (26)  
Kongo

Okangundu oke shi fatulula nawa kutya oshitopolwa shika otashi endebele okumbugala omolwomakuti taga kewa po. Aakwashigwana otaya kokola nokufika opo yi iningile omapya nomagumbo omanene nomankolo ga thita nawa.

Aakwashigwana yamwe otaya ke po omiti noku dhi landitha po yi imonene iimaliwa. Ihe omakuti otaga kewa po noku fikwa po wo opo ku ningwe oondjila dha mbwalangandja nosho ookamba oonene dhopakwiita. Ihe oshigongi osha londodha nomuthindo kutya ngele kape na omiti, nena omvula itayi ka loka we. Ngele kape na omiti dhokukwata ombepo moshipala, nena omwiidhi nomafo nosho wo evi ndyoka lyokombanda yuuhoho otali yiwa nalyo kombepo nopeha mpoka otapu thigala omawe nehekevi lyaa na nando uuhoho.

Ngele kape na omiti dha siikila evi, nena oonte dhetango otadhi fike nokutidhila muule omeya ngoka ge li mevi noitaga adhika mbala, mokuhupa. Ngele kape na omiti oshitopolwa shika otashi ka adhika kiikukuta iidhigu noko-ndjala muule woomvula tadhi ya.

Oshigongi osha indile opo EWI LYAAGU-NDJUKA li uvike ko moshinima shika kutya: aakalimo yomoshitopolwa shika naya kundathane omukalo omupe gwokudhika omagumbo, gwomankolo nosho gwokutemitha. Omakuti naga gamenwe opo twaa ka etele omapipi tage ya ondjala nomaluhepo.

**OKANGUNDU 5:** Omithigululwakalo odhindji otadhi tungu oshigwana nodhi noku-simanekwa. Ihe ope na omithigululwakalo dhimwe ndhoka tadhi hepeke aantu moshigwana nodhi na okuhulithwa po.

Oshigongi osha tala neho etiligane omithigululwakalo ndhoka tadhi hepeke aantu moshigwana. Ukuzwazo nomathigululo ngoka

**Tala kep. 6**



“Ando iikolitha moshigwana shika oyi shonopekwe, nando ngiika oshinima oshidhigu, andola aagundjuka pamwe taa ihumbata nawa. Ngashingeyi nomongeleki inaa itula mo we nawa.”

Paulus Nangolo (20) Apostolic Church

taga lyatele pevi uuthemba womuntu oya tamanekwa noonkondo. Unene okutidwa momapya kwaaselekadhi naku hulithwe po oshoka otaku tsu ondumbo nomalalakano guuthemba womuntu. Kakele pamwe omathigululo goongombe, iilya inayi tutiwa mo we momagumbo nosho iimaliwa nayi kwathe omuvali ngoka ta thigala po naanona.

Oshigongi oshi lwete wo kutya omukalo gwiigonda nagwo ogwa gwana okutalululwa




“Omumvo gwaagundjuka nonando gwe ende ndje pombambo, ondi na sha okutya kugwo. Aagundjuka yamwe otaa gongala nawa lela, ihe yamwe oya nika uunkundi omolwethimbo lyaa po nenge ouvoko eshona. Natu galikanenwe.”

Ida Nangombe  
Oshigambo

opo mwaa kale ezimba lyaavali taya kongo okuhupila maana yawo aakadhona. Ihe oshigongi osha popi nomilungu tadhi kakama kombinga yomwaalu tagu koko noonkondo gwaagundjuka mboka itaya simaneke we ugundjuka wawo.

Aakadhona oya ninga iikumbu yowala mbyoka yaa na we mpo nayi ka tunga omalugo. Aamati oya ninga omashungulume gaa na we mpo naga ka dhika oondjokana. Oshigwana osha gwila moluhondelo, uufuthi, onyalo nuunkolwe uudhigu. Mokupukithwa ku mbika, aakwa-shigwana oyendji oya kanitha elandulathano lyookuku. Ngele osho tashi tsikile ngaaka, otatu ihilile ondjahi negeelo lyaKalunga.



“Omumvo gwaagundjuka ogwa pitilile ndje po, ine mona nando ompito oku gu dhana pamwe nayakwetu.”

Rauha Shitaatala (19)  
Othika

**OKANGUNDU 6:** Omugundjukalela oye ngoka e na omadhiladhilo ga yela noga mbwalangandja nawa. Oye omutilikalunga nomusimaneki gwaantu. Oku shi nawa iiningwanima yuuyuni naunene yomevi lyoshilongo she mwene. Okwa nuka po wo nokolutu... Oku shi oku gongela aantu opo ya kundathane noya kuthe po omikundu mongeleka nomoshigwana.

Oshigongi osha ningi eindilo kongeleka opo yi ye muule mokusila aagundjuka oshimpwiyu noku ya putudhila muukriste wu na omwenyo opo ya vule okukatuka onkatu yokuholola shoka tashi thiminike oshigwana, osha hiya aagundjuka mboka ihaya gongala miigongi yaagundjuka opo ye ye, ya tameke, ya dhiladhile pamwe nokundungikathana, ya thaneke pamwe onakuyiwa yongeleka noyoshigwana noya galikane pamwe.

Aagundjuka ayehe moNamibia pethimbo ndika oya pumbwa ya kale aagundjukalela opo ya vule okundhindhilika nawa shoka inaashi opala moshigwana, oshoka onakuyiwa oyi li miikaha yawo.



Oshilalakanenwa shomudo wovanyasha otwe shi pewa mo lela, ashike ondi wete ngo onakuyiwa yetu ovanyasha vopaife itai ka shuna naanaa oku ya kala shito paShiwambo, osheshi outeku wovadali vamwe owa nghundipala. Ovadali nava diinine outeku.”

Vistor Shilongo (15)  
Ohalushu

**OKANGUNDU 7:** MUmumvo nguka gwaagundjuka, aagundjuka otaya tegelelwa ya ninge omathaneko gomalunduluko omanene miilongo yawo. Elalakano olyo okweeta po UUYUUKI NOMBILI meni nopokati kiigwana omanga omumvo 2000 inaagu thika.



“Oshinakuwanifwa shetu monakuyiwa, osho oku kumagida onunona vetu va shikule cemhango doshiwana. Omolwounona vahapu tava pitililwa po kehongo, ohatu indile ovadali ve litule mo okutuma onunona aveshe kofikola. Unona va hongwa nawa, otava ka putuda yo nawa oshiwana komesho.”

Moses Hauuanga (16)  
Onamutayi

Oshigongi osha ndhindhilike nawa kutya miilongo yimwe aagundjuka otaya dhana omumvo gwaagundjuka memanguluko notaya yambidhidhwa komapangelo gawo. Ihe moNamibia aagundjuka otaya dhana omumvo

## Ovanyasha tava ti sha komudo wavo

nguka monkalo yuupika. Ano okutaambathana, Ehumokomeho nOmbili kayi vulu okuholoka po monkalo yuupika.

Epangelo lyaNamibia inali manguluka kali na oshimpwiyu naavalelwamo. Onkee elalakano lyotango lyaagundjuka olyo okweeta po emanguluko moNamibia tali pitile mokatokolitho 435 kIigwanahangano. Oshigongi osha taamba omathaneko taga landula:



“Omumvo ogwa li ekwatho kutse. Mboka ye na omakutsi gokuuva, itaa ka tsikila we neihumbato lyawo ewinayi.”

Karolina Amadhila (23)  
Eheke



“Onakuyiwa yaagundjuka ondi yi lwetele mokuninga Kristus a kale gwtango muyo, oye ndji otaa ka mona ompito yokulongwa neyambuko po miinima yopaKalunga.”

Johannes Walenga (16)  
Onguta

1985 - 1990 pu kale uukumwe nekwatathano lya kola pwaa kale uukwamuhoko, ihe pu kale Namibia limwe, noshigwana shimwe. Okatongotongo ka se. Ooveta AG 8, 9 na 26 dhi hulithwe po. Aawilikilela moNamibia, mongeleka nomoshigwana, naya popye newi lya yela opo Suid-Afrika a ningilwe oondjindikila. Tse Aaluudhe otatu mono nale iihuna notwa tokola okutaalela iihuna yoludhi kehe, ngele shoka tashi ka valwa mo muyo emanguluko lyaNamibia.

Muule wethimbo ndika okatongotongo naka se mo thiluthilu moosikola. Namibia na kale noyunivesiti ye mwene. Oosikola dhiikunino, dhaanona nosho ooseko nadhi tungithwe. Aaniilonga naya yambidhidhwe, opo ya tote omahangano gaaniilonga. Aakwashigwana nayi imange kumwe opo ya konge emanguluko lyuunangeshefa.

Naku ningwe omahala ogendji gokulandithila polweela opo ku hulithwe po omatidhagano nomakwato gaakwashigwana mboka taa landitha iilandithomwa yawo momalukanda nosho wo pwaa kale aalandithi taya pi omutenya nenge iilandithomwa yawo yaa kale we kohi yontsi.


Ngashi mondoolopa aathinikwa otatu ka tegelelwa tu ka ningile oondjindikila oongeshefa dhaathininiki mboka ye na okatongo. Onkee otaku tegelelwa aanangeshefa aavalelwamo ya kale ye na oongeshefa dha kola nawa. Aavalelwa mo otaya tegelelwa ya kale nomaauthemba giyenditho yokufala aakwashigwana. Otaku ka kuthwa onkatu opo oofuto dhomagumbo momalukanda dhi talululwe. Osho wo omakakunya ga homata pomweelo gwOkomboni yaVenduka otashi ka konakonwa opo ga ze po nenge aakwashigwana ya ze mo meha lyatya ngaaka.

1990 - 1995 Omulandu gu kale gwa hulithwa po gwokufala iilikolomwa yoshilongo pondje, kombiliha, opo yi ka longwe, noku yi eta mo ishewe kondilo molupe lwa pwa nale. Okwa tegelelwa oofabulika dhomaludhi gi ili nogi ili dhi egululwe moNamibia opo uuyamba woshilongo wu taandelithe iimaliwa meni lyoshilongo nosho wo okutanitha oompito dhiilonga.

Iilikolomwa yoomomina, yomomapyi niimuna, yomefuta nosho uuho woondhila koontuntu dhaNamibia nayi longelwe meni lyoshilongo tayi tumwa pondje koondando tadhi kwatha aavalelwa mo.

1995 - 2000 mbika nayi kale yi li nawa miilonga: esiloshimpwiyu lya kola nonkalo yonawa miipangelo yi na oondohotola aavalelwa mo; oondohotola aavalelwa mo dhiimuna nuunamapyi nodhomakuti; aatalelisikola naalongisikola aavalelwa mo noya longwa nawa; aapangeli naahingi yoondhila noyomashina gokolutenda aavalelwamo; aatungi yoondjila noyoontopa noyomatungo aavalelwamo; aalongi naayendithi yoofaabulika noongalashè noondjugo dhomalusheno; uunangeshefa wu li miikaha yaAaNamibia, nosho tuu.

1 Novomba 1985



Omudo ou inandi shiiva ame elalakano lao. Ashike ovaputudi mouteku wavo ohatu teeleele va pukulule ovanyasha va mana mo, osheshi otu na ovanyasha vamwe tava pwilikine natango omapukululo.

Tuyenikelao Titus (19)  
Ongwediva



“Posiruwo esi vantu kuna kugazara asi, vanona kutupu ko nonkedi. Ame esi kuna ku si tara asi kombinga zimwe yimo, nye kombinga zimwe kapi si yimo, morwa vanona nampili va kandabare kufumadeka vakurona, pove li vakurona vamwe ava sindi vanona, makura munona apa nalimburura mo asi vanona kutupu nonkedi.

“Imo hena mouteku wovakurona ntaantani namo kapi muna kara uteku wouwa. Tasi vhurika napo pu kare epuko kovanona. Naadini kutumbura munona ta zi kosikora, pevenga lyoku mu pa imaliwa yina gwanene nompumbwe dendi domosikora, tava mu pe yimaliwa yina pitilire nompumbwe dendi.

“Apa nye nakaranda nomfewa dendi nomagadi gendi nonopena, na tara mondjato simpe imaliwa yinzi, naina imaliwa oyo ta ka yi randa yimwe yininke yomawokowoko ngamoomu; makanya (Gunston) nomarovhu, yimo hena nonokilima.

“Kovadinkantu vakwetu, tu diginineni erongo imo hena sipango: Fumadeka oguhu nanyoko, motwa nyoseni meho nonompitisi dokomungura.”

S. M. Tuyapeni (23), Mpungu





## Eveluko longhalo yomunyasha

**Ovanyasha va fimana, pitikeli nge ndi popye oshipopiwa eshi, nda fikama komatumbulo aa.**

Ehalo lomunyasha  
Onghalo yomunyasha  
Etilokalunga lomunyasha  
Efimaneko lomunyasha.

### Ehalo lomunyasha

Omunyasha owa pewa ehala la mangukuka, nge okulongela Kalunga kashili, ile oikalunga. Okukala melongelokalunga okwo oshinima tashi pula ehala, etokolo, neliyandjo manga kuye. Okulongela Kalunga okwo yo oshilonga shokukalamwenyo kwomunyasha. Nota longele Kalunga pamikalo edi:

- Moku mu imbila
- Mehepaululo lomatimba
- Mokuhepaulula eitavelo moipafi
- Momailikano nomomahambelelopandulo
- Mokutambula Omasakramendi mayapuki
- Meudifo leendjovo nomoku di lesa
- Mokuyandja eengalo, oiyandjiwa, eeshali
- Nomokulonga oshilongatumo.

Omunyasha owa pumbwa ehala li na omwenyo. Oshitya ehala oshi na eembinga dihapu, unene tuu komunyasha. Osho etokolo londjila yaye oyo a hala tai di mehalo.

“Edina loye onda hala oku li shiivifila, vakwetu, nomokati keongalo ohai hambelele Eps.22:23.

“Opo nee nda hala ndi ku fimaneke meongalo linene, nda hala ndi ku tange moipafi yongudu inene yovanhu.” Eps.35:18

Omunyasha holola ehala loye nena.

### Onghalo yomunyasha

Omunyasha owa pumbwa onghalo ya ngungumana, iwa ponhele opo u li po, tai hokiwa kovanyasha vakweni, tai yandje oshiho-paenenwa shiwa. “Osheshi ovamwatate, taleni okwiifanwa kweni nhumbi ku li, kevahapu ovanhongo vopanhuh, kevahapu ovanaenghono, havahapu oidale” 1 Kor 1:26

Ino endelega okulihandukifa momwenyo woye, osheshi ehandu tali kala monhulo yelai. Omuudifi 7:9. Pwilikina epukululo, u itavele outekuduliko, opo u mone eendunge. Eendunge 19:20

Apa onghalo yomunyasha otai pulwa oinima ivali a) eduliko b) neendunge.

### Etilokalunga lomunyasha

Etilokalunga olo efina lounongo aushe. Omunyasha omukwetu, pefimbo lopaife oto xupu tuu ngee ku na etilokalunga? Tala omulumenhu omunelao ou ta handukilwa kuKalunga.

“Ino dina hano outekuhandu waa wokombadambada” Job 5:17

“Tala Kalunga ita ekeleshi omuyuki nande, ndee ita kwatelele eke lovalongi vovii Job.8:20 “Inamu hangika keyeleko limwe olo tuu olo lapanhu, ndee nee Kalunga oye omudiinini, ite mu efa mu yelekwe nomayeleko e dule eenghono deni, mumwe neyeleko ota longele yo omhito yokupitamo, opo mu dule okulihumbata.” 1 Kor.10:13

“Omwele longe nge okushiiva exulilo lange nouxupi womafiku ange, apa e fike, konekife nge nokutya oweenda wange itau kalelele okuxula po” Eps. 39:5  
**Efimaneko yomunyasha**

Pefimbo lopaife efimaneko movanyasha oli li mo olupita, omoode yovanyasha oya tala efimaneko omeva, nonande efimaneko olo oshitwa shopokati noli li oshikalimo monghalo yefiku lomunyasha.

Apa onda hala okuninga eindilo kunye ovanyasha, opo tu kaleni mefimanekafano, tu li kondjele tu li diinine nonande onghalo oyoshimoode. Natu leseni pamwe. 1 Petr. 3:13 1 Joh. 2:14b na Eps.119:175.

Pexulilo onda hala ndi mu dimbulukife kutya, efimbo lopaife movanyasha oli li mo paengudu mbali ile di dulepo nokuli.

a) Ongudu yaavo tava vele omukifi woepfimbo eli (oikunwa)

b) Ongudu yaavo va mona ouhaku woshipangelo osho shi li lepo omukifi ou osho (elidiliko)

Omunyasha pefimbo lopaife oto pumbiwa, opo u ye koshipangelo eshi, opo u dule okukonga ondjila yomwenyo wa veluka.

Aveshe ovo ve lidilika ova veluka komukifi woikunwa, woepfimbo lopaife. Hano haku lidilika ashike oikunwa ndee okeshe tuu owii. Elidiliko olo Kamanakandongo, nola finda oikumhungu ihapu.

Lukas Kapofi  
Windhoek

## Komwedi keshe luvali

**Omushamane tate L. F. Neumbo owomukunda wetu, omushinda omutivali nafye. Ondi shii oku mu tonga noku mu pandula omolwekwafo laye e li a kwafa nge nokwa udanekela nge, kutya ota kala ha kwafele nge komwedi keshe luvali, okulesha oshifo Omukwetu.**

Itai dimbwa efiku olo okwa li efiku Etivali koshivike, nefimbo etango lokomatango. Okwa li hai kongolola eengobe dambuletuo odo da li popepi poluvanda lomushamane tate Neumbo. Ye okwa li e li omutumba kendangalati olo la li la nangala poluvanda, ta tale eenhaanguda daye, ye ta lesa moshifo shOmukwetu.

Onda eherra popepi naye nonde mu popifa: “Wa uhalo po tate?”

“Heeno, ove wa uhalapo mumati wange?” Okwa pula yo aveshe keumbo nonge onda ile tuu kofikola. Okwa twikila ko ta ti; “Okwa li hai kundu omweenda Omukwetu, a dja kOniipa.” Onda mu pula:

“Omunaipa ota tongo shike tate Neumbo?”

## EKUMAIDO KOVANYASHA

Ovanyasha onye handi lombwele  
Omutanda onye handi kumaida  
Kwa sha kwa yela vanyasha  
Natu djeni meemhofi  
Dinyenye dokeengula

Ovakulunhu onale ve tu lombwele  
Eenghwaka onale de tu nofwele ko  
Ndele vanyasha katu udite ko  
Eenghono davo da pwa po  
Nande eendunge otutututu

Vahapu va ka nangala  
Omangafifi a ka fuda po  
Vahapu vavo ve tu kumaidile  
Fimbo inava ka shaama nowishi.  
Omutukuluwonale okwa tile  
E he ku lombwele ke fi woye.

Ovanyasha vakwetu tu dulikeni  
Ovakulunhu tu fimanekeni  
Ovaxungu inatu va undula  
Eenghwaka inatu tya menhoove tate  
Oomeme okakadona kakwetu

“Ota tongo nawalela, ashike ye mwene oku na shihapu, tambula u ka leshe mo.”

Nande ndi li okaana kanini, onghundafana yetu natate Neumbo efiku nefimbo olo, otwa li ongovakulunhu atushe, ile ongounona nolutivali tate Neumbo onde mu ikilila nawa, onghe ihai tala oku mu popifa.

Kekwafo lomushiinda shetu nda shiiva Omunaipa, okehalo lOmwele nda ninga kaume kOmukwetu wokOniipa. Ota popi penya naapenya ta tongo shinya naashinya, oukololo aveshe ote va popi, ye ita holeke po sha.

Oku li omuudifi weendjovo daTate Kalunga, te tu hokololele Kristus Omukulili wetu, te tu lombwele oshilongo shomeulu nouwa washo, a hala tu mone elao, te tu indilile tu ha kane note tu ilikanene tu ka mone omwenyo waalushe tu ka ninge ovanhu vape okoshilongo shipe mefiku onyuni ou tau ka xwikwa po.

Ngaashi omufitaongalo wetu he tu udifile mongeleka efiku lOshoondaxa ihapu nomOmukwetu omo tai

monika. Onye onunona vakwetu mu shii okulesha ngaashi ame, ohandi mu indile mu mone yo oshifo shOmukwetu, oshi na omapandja 12. Mu ninge ovakundani penya naapenya, nye mu likole eliko lashili oJESUS KRISTUS kaume kounona Eps.119:1-2.

Okanona Ngh. Fikameni  
Oupumako



Vanyasha vakwetu dimbulukweni  
Tu lipuleni pefimbo laNoa  
Ova lile voo tava nu  
Va hombolele voo tava hombolwa  
Shaashi ova li mefimbo lavo

Ovanyasha tu pwilikineni  
Ovaudifi otava udifa  
Ovaprofeti ito pula  
Omaudifo kufye okati komokutwi  
Wa lya shakakodi tala pombada  
Oixuna yomunhu oi dule yombwa


Ku Shimoneni P. Kandume

## Omadhiladhilo gaagundjuka



“Omumvo ogwi ipitile po inii gu longitha sha nando, nondi shi shi oku na oyendji ya pitililwa po ngaaka kugwo, ihe aaputudhi naye tu tse ashike omukumo natango tu hiyilwe miigongi nopohapu dhaKalunga.”

Metumo Pea (23)  
Tshandi



“Ame onda li umwe waava tava eta po sha meeprograma domudo ou. Osha endele nawa, ashike efimbo ola li lixupi kanini. Kombinga yonakuwa yovanyasha tu li po nena, otai ka ufwu unene kelihumbato letu paife, nhumbi la tya. Ngeenge oliwa nonakuwa osho tai ka kala, ngeenge olii osho tuu. Ashike vahapu otwa iwa nafye koikunwa.”

Rakkell Nghende (18)  
Ongwediva

“Aavali naaputudhi ayehe naa katuke onkatu natango komeho meputudho lyawo shi vule shito, tse aagundjuka tu dhimbulukwe Kalunga ngoka ha gandja iinakugwanithwa kutse, opo tu yakule oshigwana she komeho, oshoka iilonga niimaliwa oyi li pokuninga oshikalunga shaagundjuka.”

Johanna Amukoto (21)  
Onangalo



Ngame ongomuwiliki gwokomeho, ando moshikondo shelongo, aanona oye na okutameka osikola pamagano gawo, hangaashi tashi ningwa ngashingeyi kutya ongele ashike e na oomvula heyali.

Gebson Iimbili (15)  
Oshitayi

### Ebandulo

Otandi hambelele Kalunga Tate sho nda ningi oomvula ntano ndi li muuwehame uunene. Onda kala nokugalikana Kalunga a galulile ndje uukolele, ihe ngashingeyi ondi u na.

Otandi pandula wo mboka ya kala nokuwatha ndje uusiku nomutenya oyo tate Kambuta kaNaftali, tate Mbenzi dha Maria nameme Helena Indongo. Tate Kalunga ne mu gwedhele ko koonkondo dheni.

Josef Indongo, Arandis



“Omumvo gwaagundjuka otandi gu tala omumvo gwegalikano, opo oyendji yomepipi lyaagundjuka mboka ya gwila momayonuko gi ili nogi ili yi idhimbulule ishewe yo ya tamekulule onkalamwenyo ompe.”

Johannes N. Kwedhi (24)  
Omulondo

## YA KWATWA PO

Helena Muleka (omulongi) Onayena  
Ester Hango (omupangi) Onayena  
oya kwatwa po 15.11.1985

Omupangi Ndakondjelwa Shaumbwa, Okalongo  
Omunangeshefa Josua Shikuma Shilongo. Okalongo  
Ayehe oya kwatwa 21.11.1985

## Ye ethiwa 22.11.1985

Anna Simon, Oniipa  
Josef Ndjambula, Windhoek  
Tobias Andima, Windhoek  
Mvula Kambembe, Oshigambo  
Reinhold Wilbard, Oniipa  
Benjamin Wilbard Windhoek

## Natango ya dhigininwa

Markus Paulus, Onguta  
Natanel Amukugo, Oniipa  
Johannes Kandima  
Festus Mvula  
Abel Festus  
Johannes Akambaye  
Amakali (Omukatoolika) Oneeya  
Helmut Angula  
Nestor Ashoongo  
Petrus Haimbodi  
Oscar Haludilu (35)  
Filemon Hamukoto  
Frank Hamunime (40)  
Immanuel Hamutenya  
Frans Hango  
Iihuhwa Frans (50)  
Agapitus Iiyambo  
Eric Iikukutu  
Amutenya Iipinga  
Stefanus Iishilelo Teofilus

Lamek Kavila (24)  
Reinhold Kwathiindje Aumbi  
Absalom Linus  
Henok Malakia  
Gerhard Nafuka  
Modestus Nambwandja  
Ndeuka Nakatana

Andreas Namhweya (60)  
Lusia Nanghama  
Lukas Nauyoma  
Kondjeni Nenghede  
Absalom Onesimus (27)  
Werner Paulus  
Jakob Pendukeni  
Paulus Rafael (43)  
Andreas Shapumba  
Teofilus Shidjuu  
Henok Shifeta  
Ferdenand Shifidi (40)  
Damian Shikongo  
Iiyambo Shilongo (37)  
Timoteus Shikongo (48)  
Shikoyeni Oskar  
Paulus Shilongo  
John Shiluwa (30)  
Petrus Shipahu  
Reinhold Shipo  
Paulus Shipweya (36)  
Elkan Shoombé (21)  
Johannes Utoni (50)  
Marius Valombola (28)  
Tobias Andimba  
Naftali Andimba  
Mateus Gabriel  
Andreas Gideon  
Listo Katengo (Sheya)  
Petrus Nangombe (Kakede) (37)  
Alfeus Nghipandilwa (Shikongeni)  
Frans Angula (28)  
Nobert Ankome (25)  
Desiderius Ankome (26)  
Vilho Kashululu (22)  
Bernadinus Shikongo (Petrus) (47)  
Festus Utoni (Napoleon) (28)  
David Iimbodi  
Simon Iikondela  
Victoria Moshana  
Rehabeam Nambinga  
Selma Nepolo

## SA OTA HUPU NENGE OTA SI OMEYA

Pethimbo ndika iilongo oyindji yuuyuni ya tameke okutula ondjindikila yiipindi miilonga, aanawino momahupilo giilongo, oya tameke okutongolola mu SA ngele ondjindikila te yi ningilwa ota yauka mo nenge ota sile mo omeya.

### SA i indilwa i igandje kofi yepangelo lya-Kalunga

Omutumba gwoshigongingeleki shO-ngeleki Onkwaevangeli pLuther yaSweden ogwa indila kepangelo lya SA li ninge po omalunduluko moshilongo shalyo. Omutumba ngoka ogwa li ko 8-10.11.1985 muVaxjoe, Sweden. Iinima tai landula oyi indilwa SA:

a) A hulithe po okatongotongo. "Tse okatongotongo otwe ka tala oko ondjo," osho eindilo lya ti.

b) Oonkwatwa adhihe dhopapolitika mwa kwatelelwa Nelson Mandela dhi mangululwe. Ooveta adhihe dhokumweneka aantu nomapangulo gopapolitika dhi hulithwe po.

c) Oveta yokangendjo moshilongo yi kuthwe po meendelelo netiko lyombinzi tali etwa kaapolosi noketanga lyegameno li hulithwe po, opo edhiminathano po monakuyiwa lya dhigupalekwe.

d) Eindilo ekwawo kepangelo lya SA, emanguluko lyaNamibia li gandjwe nziyanziya naantu yaNamibia ya tokole yo yene onakuyiwa yawo yene.

e) Lwahugunina oshigongingeleki oshi indile epangelo lya SA li ifupipike kofi yaKalung Omunankondo adhihe, opo li hupithe aakali mo yomu SA naNamibia koshilanduli oshidhigu shokatongotongo moka ya hwelwa mo.

Mekwatathano naashoka SA okwi indilwa e ye mbala mekwatathano na VVO opo pu longekidhwe oshigongi shombili omolwonakuyiwa ya SA, opo aakalelipo yaAluudhe moshilongo shoka pamwe nepangelo, ya tunge omathaneko gonakuyiwa ya SA ompe yaa na omulandu guukwamuhoko. Omahangano agehe omanene gOongeleki muuyuni otaga tuminwa okopi lyetumwalaka ndyoka, osho wo Ongeleki ya ELCIN.

\*\*\*\*\*

#### Ongeleki kayi shi opolotika, ihe ewi lyaathitandaka.

Ohashi uvika olwindji mooradio nomiifo yimwe tashi leshwa kutya, aahongi naawiliki yoongeleki muumbugantu waAfrika otaa itula miinima yuupolotika, peha lyoku uvitha oohapu dhaKalunga.

Ihe shono Ongeleki oye shi yelitha noku shi endulula olwindji, kutya yo ewi lyaamboka yaa na ewi lyasha okupopya komaudhigu taga hepeke omihoko dhimwe moshilongo shika.

Ongeleki itayi popile noitayi nyanyukilwa nande elongitho lyoonkondo. Ongeleki otayi ulike kushono tashi eta omaudhigu pokati komuntu nomuntu nopokati komihoko nomihoko. Otayi lalakanene ombili yaayehe.

Ano ongeleki oyo elaka lyehanganitho pokati kiigwana. Oshimpwiyu shika oye shi pewa kuKristus mwene gwayo.

Hosea J. Alweendo  
Walvisbaai

Kombinga ya SA mwene okwe shi endulula olwindji, kutya ondjindikila ndjoka ta ningilwa, haye tayi ka chameka, ihe shila Aaluudhe mboka uuyuni tau ti, oyo wa hala okuhupitha.

Ehangano lyaaniilonga mu SA omasiku ga zi ko olya londodha epangelo, kutya lya otali ka ninga iipotha miilonga shimpa tuu epangelo tali gwanitha oohapu dhalyo okutidha miilonga aaniilonga aakwiilongo.

Ehangano lyaaniilonga Aaluudhe moshilongo shoka oli na iilyo 20,000, manga aaniilonga aakwiilongo mu SA otaa tengenekwa pomiliyona mbali, nando pamwaalu gwepangelo mboka ye li paveta oye thike ashike 351,260.

Aaniilonga ya za momavigumbo ga SA ngaashi Transkei, Bobuthatshwana nenge Ciskei nayo wo SA okwe ya yalula kutya aakwiilongo. Mozambikwe, Lesotho, Swazilanda naBotswana oyo yi na aalumentu taa longo mu SA.

Pahokololo lyoministeli yaaniilonga mepangelo ndyoka omusamane Pietie du Plessis, okwa uvika ta ti kutya epangelo lye kali na manga edhiladhilo li tidhe po aaniilonga aakwiilongo,

+++++

### 22 ya Swapo ya mangululwa

Iilyo yaSwapo 21 oya mangululwa muNovomba, moOvenduka sho ya longele tango ondhologo ya SA kOntuntu yaRobben, konyala oomvula omilongo mbali dha piti. Yamwe yawo oya li mondholongo yokulamwenyo mongundu moka mwa li omusamane Elieser Tuhadeleni (Kaxumbakandola).

Epangulo lyawo olya ningilwe muPertia 1968 omolwoveta yuukulo. Henderiek Gariseb ngoka a longele oomvula ntano ondhologo muGrootfontein peha lyaomvula heyali, naye okwa mangululwa mo pamwe noonkwatwa dhoku Robben Island.

Aalumentu mboka kwa tiwa oya tindi okupopya nepangelo lyopokati nando osho tali lombwele aantu kutya oyo lye ya mangululitha mo, omadhina gawo otaga landula mpaka:

- \* Julius Israel Shikongo
- \* Kaleb Tjipahura
- \* Immanuel Augustus Shifidi
- \* Simeon Shihungileni
- \* Petrus Kamati
- \* Rehabeam Olavi Nambinga
- \* Matias Elia Kanyeke
- \* Elieser Tuhadeleni
- \* Rudolf Kadhikwa
- \* Johannes Samuel Shiponeni
- \* Justus Festus Heita
- \* Abel Haluteni
- \* Michael I. Moses
- \* Betuel Nuunyangano
- \* Johannes Otto Nankudhu
- \* Messack Viktory
- \* Petrus Nangolo
- \* Malakia Shivute Uushona
- \* Johannes Alfons Pandeni
- \* Ruben litengula
- \* Benjamin Crispus Uulenga

\* Endhindhiliko konima yedhina, otali holola ngoka a li a tokolelwa ondhologo yokulamwenyo akuhe.

ashike ompito opo yi li shimpa tuu ondjindikila yiipindi tayi ka lumulika.

Okuza metatmumvo nuumvo uuyuni owa gandjele wo elondodho ku SA kaa yekelele nando okutidha omuniilonga gumwegumwe miilonga omolwondjindikila.

Omweekonomi Andrew Wier miipindi yaAfrika, ye okwa tompelwa kutya ondjindikila yiipindji ndjoka tayi ziilile ku SA kiilongo yuuninginino, ewi lyayo olya tameke oku uvika ko nawa mu SA.

Oombaanga 29 dhomiilongo; Amerika, Engalanda, Japan, Ndowishilanda lyuuninginino naSwitserlanda, odha lilwa ongunge onene ku SA ndjoka yi na epulo enene nedhigu pokati kiilongo mbyoka na SA nkene yi na okushunithwa sha kwatelela mo etsikilo lyelongelokumwe ndyoka lya kala po shito.

Omukalelipo gwa Anglo muAmerican ehangano lyoomina mu SA osho wo yomahangano galwe guunangeshefa oya yile ku Lusaka nuumvo, ya ka kundathane nomuwiliki gwehangano ANC, omusamane Oliver Tambo, opo yu uve nkene ta dhiladhila elongitho lyekonomi uuna SA lya mangululuka.

Shono oya li ye shi ningi momutse gwawo yene nonando epangelo lyoshilongo kalya li lye shi hala ya ka popye naawiliki yiikulo. Onkambadhala okushuna ko opo yi li natango nonando otaku tiwa ngiika kashi shi we oshipu.

Pashifonkundana shomu SA Die Afrikaner 13.11.1985 otashi ti aniwa aawiliki yepangelo nayo wo oya yile ethimbo limwe moonkundathana na ANC nonando aniwa epangelo sigo oompoka ohali shi ipatana.

Ezimba ndyoka oshifo osha ti oye shi toola momupopyo gwoministeli yopevi yiikwapondje omusamane Ron Miller. Nguka aniwa okwa popya esiku limwe ta ti, epangelo lye olya ninga oshindji, mokuguna ewiliko lya ANC lya tsikile we nelongitho lyekuni.

Kape na ngoka ha gunu mukwawo ngele inaa ya tango moonkundathana, osho oshifo sha ti. Epangelo ohali shi popi nomuthindo kutya lya kali na siku nali popi nongundu yiikulo manga inaa yi etha po elongitho lyayo lyekuni.

Ashike kombinga okwawo okwa konekiwa wo ehilathano lya penduka pokati kongundu ndjoka, ANC, sho ku na yamwe ya hala oonkundathana na SA mwa kwatelelwa omusamane Tambo naamboka inaa hala oonkundathana moka mwa kwatelelwa omuwiliki Joe Slovo.

Aatalinawa oya dhimbulula kutya SA okwa kaleka manga okuhambula oshimaliwa shoshingoli Krugerrand, hashi likola iimaliwa oyindji muuyuni. Iilongo oyindji mwa kwatelelwa Amerika naCanada oya tokolelwa lande we oshimaliwa shoka, sigo ya mono kutya SA okwa hulitha po omulandu gwe gwokato-ogotongo moshilongo.

Sebulon Ekandjo

## OMAMBO

### Omambo taga landula otaga monika mostola yomambo koniipa Oshako 2013, Ondangwa 9000

Tuma embesitelo lyoye pamwe nofuto. Ino dhimbwa ko 50c dhopoosa kembo kehe! Omambo itaga tumwa moongunga nandonando.

Ombimbeli Ondjapuki/Oshikwanyama nOshindonga	R 5-80
Okambongeleki/Oshikwanyama	R 2-50
Okatikisa Okashona/Kanini	1-00
Elongo lyUukriste/Loukriste	2-50
Oonkundathana tadh mangulula omwenyo	2-50
Oshiwana hashi lesa	1-50
Onakuziwa yandje Leonard Auala	5-50
Nakambalekanene	5-50
Imbileni Omuwa	2-50
Imba omunona	1-00
Okrimesa (Omairibilo gOkrimesa)	50
Ehokololo lyomahepeko gaKristus	1-00
Mavole gaShipanga (Ch. Muteka)	1-50
Enota ile Ondjala? (V. Muniyika)	3-00

## Ookatali tava pula emanguluko

Oludi lovakwanambwa otali keme tali ngongotele ovatekuli valo, ovo hava tekula eembwa vo ihave di tekula pamukalo, unene tuu vomOwambo.

Ombwa ihai pewa oikulya ya wana, okanghako nga hai pewa, haka umbilwa medu ko taka alangata nedu alishe, yo tai lalulwa: "Oshimbwa ihashi kuta, nande shi pa". Ombwa ohai ka nwa koshilemo, odula nge ya loko, omeva e li meumbo, komufima okwa idilwa.

Ohai idililwa pondje yeumbo, tai mwanghulwa komamwangha, tai lika komangungule notai lumatwa keembwa deemhepo. Tu kaleni tu shiisheni kutya ookatali, navo ovaKalunga inatu ya naashi ihava popi. Yakula oshinamwenyo shoye nawa.

Ngeenge hatu kala tu he na ko nasha noinamwenyo oyo i li pufye, otu na etimba la kula, nde ngeenge epangulo tali ka fika, ohatu ka tokolelwa shike mbela? Ou shii eengobe ile oto ti eembongo?

Ngh. F  
Oupumako



## WA FUTU TUU OSHIFO SHOYE SHOMUMVO 1985? INYOLITHA ANO NATANGO MBALA MOLWOMUMVO 1986.

### OMUKWETU

Oye oshifo shOngeleki Onkwaevangeli paLuther yomOwambokavango. Ohashi nyanyangidhwa mOshinyanyangidho shOngeleki mOniipa. Omukuluntu gwoshifo omumbisofi Dr. Kleopas Dumeni,

Amushanga gwoshifo omusita Sebulon Ekanjo

Ondando yOmukwetu muNamibia naSuid-Afrika R 5,00 komumvo. Palwe muAfrika R 8,00 nqkombanda yomafuta R11,00, komumvo. Mondhila R13,00.

Ondando nomambestelo agehe naga tumwe kOmukwetu, Onliipa, P/Bag 2013, Ondangwa, 9000

EV. LUTH. OWAMBOKAVANGO CHURCH PRESS  
PRIVATE BAG 2013, ONDANGWA 9000  
SWA/NAMIBIA



"Epipi egundjuka nali itule muKalunga lyo li ethe okukondjithathana, ombili yuuyuni yi tungwe."

Sakeus Nangula (21)  
Omuntele

### Olyelye e mu mona?

Olyelye ta dulu oku tu pa ouyelele womulumenhu Tobias Kambode? Okwe li xulwa 9.2.1984 eshi a ile ngeno koshipangelo kOshakati. Okwa dja momukunda Elundu laAndili weengamelo, popepi nOnamukulo, ashike eongalo iavo Ondobe.

Ou wa shakena nomushamane ou tu shiivifila keongalo Ondobe, Oukwanyama P. O. Box 116 Oshikango ile koshikefa 2864 Windoek.

Timoteus M. Heia

"Omudo owa li nelalakano tu ha dimbwe oinima yopaKalunga noyopashiwana nosha endele nawa. Outeku u li po paife ngeno ouwa, ashike omu na onghedi younona tava nu nai, osho ihandi shi popile nande shi twikile pefimbo olo hatu ka kala ovawiliki yoshiwana. Ngeno ovatekuli va dike po paife oveta ya pama yokukelela اونونا oikunwa, opo ve lilongekidile onakuiwa yavo ya pama."

Naftali Haipinga (15)  
Ompundja

## OMAHALA GOOSISTERA 3 KOKAVANGO

Miipangelo yokoKavango yetumo ekwaevangeli paLuther (LMM) oyi na omahala ga pumbwa oosistera yatatu. Omwiindili na kale wo a pita uvalithi.

Omaindilo naga thike manga eti 31-12-1985 inaali pita, go na ga ukithwe ku:

Matrone R. Nghidinwa  
P/Bag 2084  
Nkurenkuru Hospital  
Rundu  
9000

